



PERDANA LIBRARY
PERDANA LEADERSHIP FOUNDATION
NEWSPAPER CLIPPING

| | |
|-----------|---------------|
| Newspaper | Berita Harian |
| Date | 25/12/2010 |

69 peratus berpuas hati kepemimpinan Najib

KUALA LUMPUR: Sokongan terhadap kepemimpinan Perdana Menteri, Datuk Seri Najib Razak kekal tinggi apabila 69 peratus rakyat Malaysia berpuas hati dengan pencapaian beliau, sementara 53 peratus berpuas hati dengan keadaan ekonomi negara pada masa ini, demikian menurut tinjauan Merdeka Center yang disiarkan semalam.

Tinjauan melalui temubual telefon secara rawak bermula 30 November hingga

11 Disember lalu membabitkan 1,005 pengundi berdaftar berumur 21 tahun ke atas itu mendapati, 22 peratus 'amat berpuas hati' dengan pencapaian Perdana Menteri, sementara 47 peratus 'agak berpuas hati'.

Dari segi pecahan kaum pula, 74 peratus Melayu, 54 peratus Cina dan 85 peratus India melahirkan rasa puas hati terhadap kepemimpinan beliau mentadbir negara.

Bagaimanapun, peratusan

rakyat yang berpuas hati itu menurun berbanding 72 peratus yang dicatatkan Mei lalu, selain rasa tidak puas hati yang meningkat kepada 24 peratus daripada 21 peratus pada Mei.

Tinjauan mendapati, penurunan peratusan itu berpunca daripada pengurangan subsidi oleh kerajaan terhadap barangan keperluan rakyat termasuk minyak dan gula.

Sementara itu, tiga daripada empat penanda aras

yang digunakan untuk mengukur sentimen rakyat terhadap ekonomi negara menunjukkan peningkatan peratusan berbanding Mei lalu termasuk enam kepada 52 peratus yang berpuas hati dari segi tahap pendapatan peribadi, lapan kepada 48 peratus bagi peluang pekerjaan dan enam kepada 50 peratus bagi peluang perniagaan.

Selain itu, sebanyak 46 peratus rakyat yakin dengan Program Transformasi Eko-

nomi (ETP) yang diumumkan kerajaan September lalu dan sembilan peratus dilaporkan 'sangat yakin' yang program itu akan membawa Malaysia menjadi negara maju.

Sebanyak 54 peratus rakyat berpendapat negara berada di landasan yang betul dengan ekonomi akan berkembang baik melalui kepemimpinan negara yang lebih dinamik dan pembangunan inisiatif yang meningkatkan dengan ketara.